

الأسفار التاريخية

صموئيل الأول

أكرم الذين يُكرّمونني (المتواضعون)، والذين يحتقرونني (المتكبرون) يصغرون

السفر ده بيدّينا تحذير واضح من الكبرياء (شاول) و مثال رائع في الثقة في وعود ربنا والإيمان به (صموئيل ثم داود) ... و بيورّينا من خلال داود إن النهاية دائماً بتكون في صالح الشخص المتواضع التائب، حتى لو سقط في الطريق و حتى لو الشر كتر ضده في وقت

ليه ندرس عهد قديم؟


"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتب عشاننا (الوعود و الوصايا لا تتغيّر) ... ربنا كمّل لنا (لم آت لأنقض بل لأكمل)



i عن السفر



الصورة من موقع BibleProject

عدد الإصحاحات: 31

? ظروف الكتابة:

نقدر نقرأ ملخص سفر القضاة

- بني إسرائيل بعد ما خرجوا من العبودية في مصر على يد موسى واستلموا الشريعة في سيناء، وصلوا أرض الموعد وربنا أعطاها ليهم على يد يشوع (تلميذ موسى) بحروب فيها معجزات عظيمة
- كان المفروض إنهم في أرض الموعد يبقوا أمعاء لربنا وعهوده (زي ما كانوا في أيام يشوع) ... لكن بعد كده (عصر القضاة) كان سيء جداً روحياً: كان (كل واحد يفعل ما يحسن في عينيه)
- ضاع الشعب روحياً و كان محتاج قائد أمين و حكيم يرجّعه لربنا ... و ده اللي بيحصل في السفر ده
- السفر ده (مع صموئيل الثاني) سفر تاريخي قصصي يحكي لنا عن النقلة في تاريخ إسرائيل: مجموعة من الأسباب و كل سبط له أرض و حكم ذاتي إلى مملكة واحدة يحكمها ملك واحد

(داود الملك) و عاصمة واحدة (أورشليم) حتى وفاة داود

📌 هدف السفر:

- يركز على 3 شخصيات أساسية: صموئيل النبي (أول 7 إصحاحات) - شاول الملك (حوالي 8 إصحاحات) - داود (النصف الثاني من السفر)
- شخصية صموئيل بتعلّمنا الصلاة (كان دائماً رجل صلاة) و تديّننا رجاء إن في وسط الشر ممكن شخص واحد بس عنده إيمان و ثقة في ربنا، ربنا يختاره عشان يعمل نهضة روحية عظيمة
- شخصية شاول تحذّرنا من الكبرياء و من العيوب اللي ممكن مانبقاش واخدين بالننا منها لأن نهايتها صعبة جداً ... محتاجين بنعمة ربنا نفحص أنفسنا باستمرار و نقدّم توبة و نتواضع تحت يد الله عشان ماتبقاش نهايتنا زيّه
- شخصية داود بتديّننا الجانب الإيجابي لواحد عنده إيمان و ثقة في ربنا و صبر لمواعيده ... رغم إن معظم اللي بنشوفه في السفر لداود قصص صعبة ممكن تبعد الواحد عن ربنا و تخليه يقول إن ربنا سابه، لكن داود كان قوي في إيمانه
- السفر بيحكى عن عائلات كثيرة: نقدر نتعلم منه حاجات كثيرة في معاملاتنا داخل أسرنا

🔑 مفاتيح فهم السفر:

- كاتب السفر هو صموئيل النبي (حتى وفاته) بعد كده أكمل الكتابة ناثن النبي و جاد النبي
- تقسيمة (صموئيل الأول) و (صموئيل الثاني) دي للتسهيل، لكن في الأصل العبري اتكتب السفرين مع بعض في كتاب واحد على اسم صموئيل النبي

☰ ترتيب السفر

صعد شاول للملك (بناءً على رغبة الشعب في وجود ملك) و بعد وقت عصى الله ... و على العكس، ربنا بيختار داود راعي الغنم البسيط المتواضع اللي يتكل على ربنا. مع الوقت شاول ينحدر أكثر و أكثر رغم إن معه السلطة و القوة، بينما داود يزداد قوة و نعمة رغم إن كل الظروف ضده (بما فيها شاول) ... و في الآخر كل الأشياء تعمل معاً للخير: يصبح داود هو الملك

إصحاح 1 ل 3

ميلاد صموئيل النبي من حنة الأم العظيمة

ميلاد صموئيل و تكريسه للخدمة



إصحاح 4 ل 7

خدمة صموئيل النبي والانتصار على الفلسطينيين

صموئيل يقود الشعب لتوبة حقيقية



إصحاح 8 ل 15

بداية رائعة لشاول ثم سقوط رهيب

الشعب يطلب ملك على غير رغبة الله... شاول يبدأ بتواضع و تمسك رائع بربنا و بمعلمه صموئيل، لكن يقع في خطايا كبيرة و مستمرة



إصحاح 16 ل 31

صعود داود و مطاردة شاول له ... حتى موته

صموئيل سرّاً يمسح داود ملكاً (غير رسمي) ... داود ينتصر على جليات، و شاول يغير منه و يطارده حتى يموت على يد الفلسطينيين



ملخص السفر



1: ميلاد صموئيل النبي من حنة الأم العظيمة

إصحاح 1 ل 3



الصورة من موقع BibleProject

• إصحاح 1: ميلاد صموئيل

- بطلقة هذا الإصحاح هي أمه القديسة حنة التي لم تتذكر إن ربنا خلّاه عاقر بينما ضرّتها معها أولاد و تغيظها
- حنة صلت لربنا بدموع و نذرت إنه لو أعطاها ابناً هاتعطيه لله يخدمه كل أيام حياته ... بعد كده سابت الموضوع على ربنا
- و ربنا كان مستني هذه اللحظة و هذا الوعد ... واستجاب لها ورزقها بصموئيل
- وهي قدّمتة للهيكل بعد ما انفطم على طول، مع ذبيحة شكر لله على نعمته

💡 الإصحاح ده بيورينا الكلام المريح الحلو اللي يطيب خاطر ... زي ما ألقانة عمل مع حنة لما نفسها كانت مرّة: طيب بخاطرها ... بين لها إنه حاسس بها و بيحبها

• إصحاح 2: تربية حنة و تربية عالي الكاهن

- آية 1 ل 10 صلاة شكر من أروع ما يكون من حنة ... من روعتها الكنيسة بتقراها في صلوات سبت النور ... فيها معاني رائعة اتكررت كمان بعد كده في المزامير (خصوصاً [مزمور 113](#)) ، عن إن ربنا ببذل الأحوال: يضع المستكبرين و يرفع المتواضعين المتقين له مهما زاد الشر ... و بتنتهي بنبوة رائعة جداً عن المسيح
- و ربنا افتقد حنة فعلاً و باركها أكثر ما كانت تتمنى (3 بنين و بنتين غير صموئيل البكر)
- آية 11 ل 36 صموئيل vs أولاد عالي : تناقض مذهل بين صموئيل الصبي الصغير المتقي الرب ابن القديسة حنة وبين حفني و فينحاس أولاد عالي الكاهن المتخاذل الضعيف ... اللي أولاده طمعوا في الذبيحة اللي الناس جاية تقدّمها لربنا بصورة واضحة و منفردة لدرجة خلّت الشعب يستهين بالذبيحة ... و وصل بيهم الفساد إنهم كانوا يضاجعون النساء المجتمعات في خيمة الاجتماع
- و ربنا أعطى فرصة لعالي إنه يؤدب أولاده و يغير على خدمته لكنه كان ضعيف جداً! كلهم بمنتهى الرخاوة ... و جاءت رسالة من ربنا بتأديب شديد من عالي إن الكهنوت يُنزع من عائلته

💡 الإصحاح ده بيورينا **التأديب المناسب مع حجم الخطأ** ... عالي كان لازم يؤدب أولاده بشدة و حزم، لكن للأسف كان مائع في تربية أولاده و ده كان له نتائج وخيمة

● إصحاح 3: الله يكلم صموئيل

- ربنا كلم صموئيل بعد ما عالي الكاهن سمع تحذيرات الله و بقي بدون تنفيذ لها (لم يردع أولاده) ... و قال الله لصموئيل إنه يجلب الشر على عالي و بيته، و لما صموئيل أخبر عالي بالكلام ده برضه ماتابش! بل بمنتهى التخاذل والاستسلام قال: (هو الرب، ما يحسن في عينيه يعمل) ... يا ريتة كان فهم إن ربنا بيقبل التوبة و طلى بحرارة زي حنة ... لكن ده محصلش
- و من اليوم ده بدأ يتعظم صموئيل قدام ربنا، و عرف الناس إن أخيراً بقى عندهم رجل الله بعد سنين عجاف روحياً

💡 الإصحاح ده بيورينا **المسؤولية** اللي للأسف عالي الكاهن لم يتحمّلها ... قال بمنتهى الاستسلام: (هو الرب يعمل ما يحسن في عينيه) كأنه مش مسئول عن تصرف أولاده أو قيادتهم

نقدر نشوف ملخص الـ 3 إصحاحات دول في [الكرتون ده](#)

فجاء الرب و وقف و دعا كالمرات الأول: «صموئيل, صموئيل». فقال صموئيل: «تكلم لأن عبدك سامع»

صموئيل الأول 3 : 10

السمع هنا بالنسبة لصموئيل مش مجرد إنه بيعدّي الكلام على ودينه و خلاص ... ده سماع و إنصات و نية للتنفيذ زي ما قال عنه الكتاب: و كبر صموئيل و كان الرب معه, و لم يدع شيئاً من جميع كلامه يسقط إلى الأرض
ما أجمل الشعار ده ناخده لنا كل ما نقرا الكتاب المقدس نقول: تكلم يا رب لأن عبدك سامع

يعطي عزّاً لقلبك, و يرفع قرن مسيحه

صموئيل الأول 2 : 10

حنّة مش بس سيدة فاضلة متّكلة على ربنا بصلاة حارة ... دي كمان تنبأت إن إسرائيل يبقى لها ملك ... و كمان عن السيد المسيح

نتعلّم إيه؟

التربية مهمة جداً ... بنشوف كاهن تقي لكن غير حاسم (عالي) طلّع 2 كهنة فاسدين جابوا لهم و له لعنة ... و على الناحية الثانية مرأة تقية (حنّة) ربّت نبي عظيم جداً

يا رب إديني في بيتي أو خدمتي أكون قدوة صالحة و مربّي كويس لأولادي و بناتي ...
أوجّه قلوبهم لسمع كلامك و العمل به

2: خدمة صموئيل النبي والانتصار على الفلسطينيين

إصحاح 4 ل 7



الصورة من موقع BibleProject

• إصحاح 4: انكسار إسرائيل أمام فلسطين

- حصلت حرب بين إسرائيل وفلسطين كعادة مرحلة القضاة (قاضي إسرائيل ساعها كان عالي الكاهن)

- إسرائيل لما انهزموا بشدة في جولات في الحرب أحضروا التابوت لمكان الحرب و معه حفني و فينحاس الكهنة (بدل ما يتواضعوا أمام الله و يطلبوا منه النصر) ... للأسف كآته وثن أو تميمة بتكسر الأعداء ... بدون إيمان. و بدون استعداد و بدون استشارة ربنا
- طبعاً ربنا لم يعطهم النصر ... اتغلبوا قدام الفلسطينيين و قُتل شعب كثير منهم حفني و فينحاس
- لما وصلت الأخبار لعالي الكاهن مات هو كمان من صدمة إن التابوت اتخطف

💡 ختام قاسي ل40 سنة عجاف روحياً كان فيهم قاضي متخاذل و شعب بعيد عن ربنا

● إصحاح 5: تابوت العهد في فلسطين

- الفلسطينيون وضعوا تابوت العهد في مدينة أشدود في معبد إلههم داجون (ده كان تقليد زمان معناه إن داجون أقوى من إله الإسرائيليين)
- ربنا بعد ما عاقب شعبه، تمجد وسط الفلسطينيين : ثاني يوم لقوا داجون (صنم على شكل سمكة) على الأرض قدام التابوت ... و اتكرر الموضوع ثاني يوم ... بعد كده ربنا ضرب المدينة بالبواب
- نقلوا التابوت لمدينة جت و حصل نفس الكلام ... و نقلوه عقرون و حصل نفس الكلام ... و عرف الفلسطينيون قوة الله و قرروا يرجعوه ثاني إسرائيل

● إصحاح 6: رجوع تابوت العهد لإسرائيل

- الفلسطينيون عرفوا قوة الله و قرروا يرجعوا التابوت لإسرائيل مع ذبيحة إثم: وضعوه على عجلة خشبية يقودها بقرتين مرضعتين ... و البقرتين بعد ما أطلقوا العجلة ما رجعوش بل راحوا لإسرائيل لمدينة بيتشمس (مدينة للكهنة)

💡 المنظر ده شبه دخول السيد المسيح أورشليم على الأتان والجحش يوم أحد السعف

- في الأول أهل المدينة استقبلوا التابوت بإكرام و مهابة و طقس مضبوط: اللاويين أنزلوه و قدّموا البقرتين ذبيحة
- لكن بعد كده أهل المدينة لم يحترموا التابوت و لم يتواضعوا أمامه كما ينبغي (بل فتدوه و دي حاجة ممنوعة تماماً) فضربهم الله و قتل منهم ناس كثير ... فأرسلوا التابوت لمدينة يعاريم

• إصحاح 7: التوبة و الانتصار

- راح التابوت قرية يعازيم اللي عرف أهلها يكرمونه و قدسوا واحد منهم لحراسته
- بعد 20 سنة كاملة بدأ الشعب يطلب ربنا و يتوب ... و ما أن وُجِدَت بذرة التوبة حتى نقاها صموئيل بقيادته للشعب للصوم و الصلاة
- و لما تاب الشعب قدر (بشفاعة صموئيل) إنه يحارب الفلسطينيين و يسترد المدن التي أخذها الفلسطينيون في الحرب الأولى

صموئيل كان أب روعي و راعي حقيقي للشعب ... و كان رجل صلاة و له كرامة عند ربنا و الناس

لماذا كسرنا اليوم الرب أمام الفلسطينيين؟

صموئيل الأول 4 : 3

- سؤال مهم جداً بعد أي كسرة كبيرة: ليه يا رب سمحت إن ده يحصل؟
- للأسف إجابة إسرائيل كانت غلط خالص لأنها مالهاش أي علاقة بالتوبة أو فحص الذات ...
- اهتموا فقط إن التابوت يبقى معاهم كأنه تعويذة بس

و ضرب أهل بيتشمس لأنهم نظروا إلى تابوت الرب. و ضرب من الشعب خمسين ألف رجل و سبعين رجلاً. فناح الشعب لأن الرب ضرب الشعب ضربة عظيمة

صموئيل الأول 6 : 19

- أهل بيتشمس لما ربنا عاقبهم بسبب استهتارهم بالتابوت و مخالفة الوصية, لم يتوبوا بل خافوا و كانوا عايزين يتخلصوا من التابوت اللي بيمثل حضرة الله بينهم
- و قبلهم الفلسطينين: لما شافوا المعجزات اللي ربنا عملها لم يؤمنوا به و يعبدوه بل خافوا و حاولوا يتخلصوا من التابوت برضه
- للأسف ال2 اتحرموا من بركة كبيرة و من حضرة ربنا بسبب موقفهم ده ... لما ربنا يعاقبنا لازم يبقى ردنا التوبة و التمسك به و ليس الخوف و البُعد عنه

نتعلم إيه؟

ربنا مش بتاع مظاهر ... و هيتمجّد بس في حياة أولاده اللي بيخافوه و يقدّسوه

🙏 يا رب إديني علاقة حقيقية معاك (مابقاش زي شجرة التين اللي فيها ورق شكله حلو من غير ثمر) ... إديني توبة حقيقية و صلاة من القلب عشان أقدر أسترد كل اللي عدو الخير أخذه مني

3: بداية رائعة لشاول ثم سقوط رهيب

إصحاح 8 ل 15



الصورة من موقع BibleProject

● إصحاح 8: الشعب يطلب ملكاً (مثل باقي الشعوب)

- كبر صموئيل و شاخ، فتولّى ابنه قيادة الشعب ... للأسف صموئيل وقع في نفس غلطة غالي و كان ابنه غير مستقيمين مثله بل عوّجا القضاء و أخذ رشوة
- الشعب سئم منهم و طلب الشيوخ من صموئيل طلب شكله كويس و خير: (عايزين ملك) ... لكن ربنا ينظر للقلوب، كان عارف إن وراء طلبهم ده قلوب بعيدة عن ربنا و مش مخلصه ليه ... عايزين يس يعملوا زي الشعوب اللي حوالينهم (اللي ربنا قال ما تعملوش زيهم)
- صموئيل ساء الأمر في عينيه لكن ربنا قال له: حذّرهم من سلطة الملك عليهم (إنه يستعبدهم و يأخذ أولادهم و بناتهم يشتغلوا عنده و يأخذ ضرائب على فلوسهم و أرضهم) و ربنا قال لهم (لو صرّختم لي في الوقت ده لن أستجيب لكم) ... هم وافقوا

💡 و حصل بعد كده بعد موت سليمان الملك إن الشعب تمرّر من ثقل الضرائب و راحوا إلى رجعام ابن سليمان عشان يقلّل الضرائب و هو رفض ... وده كان أكبر أسباب انقسام المملكة زي ما ربنا حذّرهم من قبل ما يكون فيه ملك

● إصحاح 9 و 10: مسح شاول ملكاً

- شاول كان شكلاً مثالي إنه يكون ملك: شاب طويل القامة و جميل المنظر ... و كان من عامة الشعب من سبط بنيامين
- تاهت أتان أبيه فأرسله يبحث عنها، مدينة بعد مدينة وصل للمدينة اللي كان جي فيه صموئيل عشان يقدم ذبيحة ... فكان عايز يسأل صموئيل على الأتان فحصل اللقاء الأول بينهما (ربنا كان أعلن لصموئيل إن ده الشخص اللي هو يمسه ملك)
- بنشوف رحمة ربنا و محبّته رغم إن قرار اختيار ملك كان مش صح إلا أنه خلّ الروح القدس على شاول لقا مسحه صموئيل بالزيت و ربنا أعطاه قلباً آخر ... فسبّح مع جماعة الأنبياء
- و جه وقت الإعلان عن الملك و الشعب كله مجتمع ... فنّش صموئيل عن شاول اللي كان مستخبّي (مستكتر المسؤولية اللي عليه بتواضع) ... و صموئيل لقا و أعلن إن هو الملك قدام الشعب اللي فرح جداً بيه ... إلا قلة قليلة احتقرت شاول، اللي بكل تواضع لم يلتفت إليهم

● إصحاح 11: بداية رائعة لشاول الملك

- جه العمونيّين بجيش قوي جداً على مدينة يابيش جلعاد اللي خافوا جداً و كانوا عايزين يستسلموا و أرسلوا رسلاً لكل إسرائيل يبحثون عن مخلص ليهم

○ لَمَّا جِهَ الْخَبْرَ لَشَاوُلَ الْمَلِكِ حَلَّ عَلَيْهِ رُوحُ اللَّهِ وَرَبَّنَا اشْتَغَلَ بِهِ عَشَانٌ يَجْمَعُ الشَّعْبَ كُلَّهُ (بَدَلَ مَا كُلَّ سَبْطٍ لَوْحَدِهِ) وَ يَطْلُبُوا مَعُونَةَ رَبَّنَا مِنْ خِلَالِ صَلَاةِ صَمُوئِيلَ ... وَ قَدَرُوا يَنْتَصِرُوا عَلَى الْعَمُونِيِّينَ.

○ الشَّعْبُ سَاعَتَهَا فَرَحَ بِشَاوُلَ جَدًّا وَ كَانُوا عَايِزِينَ يَقْتُلُوا أَعْدَاءَهُ الَّتِي مَكَانُوشُ مَقْتَنِعِينَ بِهِ كَمَلِكٍ ... لَكِنْ شَاوُلُ بِكُلِّ تَوَاضَعٍ رَفُضَ وَ سَامَحَهُمْ

● إصحاح 12: خطاب صموئيل الوداعي

- دِلُوقْتِي مُلْكُ شَاوُلَ تَثَبَّتَ وَالشَّعْبُ بَقِيَ مَعَهُ وَ بِالتَّالِيِ دُورَ صَمُوئِيلَ كَقَائِدٍ لِلشَّعْبِ انْتَهَى
- قَالَ خُطَابٌ وَدَاعِي لِلشَّعْبِ زِي الْأَبِ مَا بِيكَلِّمُ وَلَادَهُ ... بِيَفْكَرْنَا بِخُطَابِ الْقَدِيسِ بُولَسِ إِلَى كَنِيسَةِ أَفْسَسَ وَ بِخُطَابِ يَشُوعَ بْنِ نُونٍ الْوَدَاعِي لِلشَّعْبِ
- شَهِدَهُمْ فِيهِ صَمُوئِيلُ عَنْ أَمَانَتِهِ فِي الْخِدْمَةِ قَدَامَ رَبَّنَا وَ بَيَّنَّ لَهُمْ خَطِيئَتَهُمْ إِنَّهُمْ عَايِزِينَ مَلِكًا
- قَالَ لَهُمْ إِنْ رَبَّنَا لَا يَتْرِكُ شَعْبَهُ مِنْ أَجْلِ اسْمِهِ الْقُدُوسِ
- قَالَ إِنَّهُ مَشْ هِيَوْقَفَ صَلَاةٍ مِنْ أَجْلِهِمْ أَوْ تَعْلِيمِ طَرِيقِ رَبَّنَا لَهُمْ (هُوَ الْقَائِدُ الرُّوحِي لِلشَّعْبِ)
- شَجَّعَهُمْ يَتَّقُوا رَبَّنَا وَ يَسْلُكُوا حَسَبَ وَصَايَاهُ ... وَ حَذَّرَهُمْ إِنْ الْمَلِكِ مَشْ هِيَفِيدَ فِي حَاجَةٍ لَوْ ضَلُّوا عَنْ طَرِيقِ رَبَّنَا

● إصحاح 13 ل 15: سقوط شاوُل

- إصحاح 13 بيتكلم عن كبرياء شاوُل و سقوطه تدريجياً بعد سنتين فقط من الاستقامة ... بعد 20 سنة من مُلْكِ شَاوُلَ حَصَلَ مَوْقِفِينَ:

1. الاستهانة بالخصم:

هجوم غير مبرر من إسرائيل على فلسطين رغم إن الفلسطينيين أقوى بكثير في الفترة دي حربياً ... شاوُل جَمَعَ جِيْشَهُ لَكِنْ تَفَاجَأَ إِنْ الْفِلَسْطِينِيِّينَ مَجْمَعِينَ جِيْشَ كَبِيرٍ جَدًّا، وَ كَانَتِ النَتِيجَةُ إِنْ جِيْشَ شَاوُلَ خَافَ وَ انْفَضَّ مِنْ حَوَالِيهِ

2. الاستهانة بأبيه الروحي:

شاوُل انتظر بركة ربنا (من خلال صموئيل) قبل الحرب، لكن للأسف لَمَّا صَمُوئِيلُ تَأَخَّرَ عَلَى شَاوُلَ كَرَّرَ تَقْرِيبًا نَفْسَ الْخَطَا الَّذِي الشَّعْبُ عَمَاهُ زَمَانٌ لَمَّا جَابَ تَابُوتَ الْعَهْدِ مِنْ غَيْرِ اسْتِشَارَةِ رَبَّنَا وَ مِنْ غَيْرِ الطَّقْسِ الْمَظْبُوطِ: شَاوُلُ قَدَّمَ هُوَ الذَّبِيحَةَ! طَبْعًا دَهْ لَا يَحِلُّ وَ شَفْنَا الَّتِي حَصَلَ لِقَاوُحُ وَ دَاثَانُ وَ أَبِيرَامُ الَّتِي حَاوَلُوا يَأْخُذُوا كِرَامَةَ الْكَهَنُوتِ مِنْ غَيْرِ دَعْوَةٍ ... وَ لَمَّا جِهَ صَمُوئِيلُ وَ شَافَ شَاوُلَ، قَالَ لَهُ كَلَامٌ وَاضِحٌ جَدًّا: رَبَّنَا رَفُضَكَ وَ اخْتَارَ مَلِكًا تَانِيًا حَسَبَ قَلْبِهِ (لَكِنْ رَغْمَ كَدِّهِ صَمُوئِيلُ لَمْ يَتْرِكِ الْحَرْبَ بَلْ ذَهَبَ إِلَى يُونَاثَانَ)

- **إصحاح 14 فيه يوناثان ينتصر بإيمانه و شجاعته :** يوناثان ابن شاول كان عنده إيمان و شجاعة، قال لحامل سلاحه يطلعوا يحاربوا الفلسطينيين و ربنا يكون معاهم ... و فعلاً ربنا نَصّر يوناثان و بدأ يحصل ارتباك في صفوف الفلسطينيين، فدخل شاول و جيشه و الشعب الحرب و انتصر إسرائيل لأن ربنا بَلَّل صفوف الفلسطينيين
- **إصحاح 15 فيه عصيان شاول.** ورفض الله له : صموئيل قال لشاول أمر ربنا: حارب عماليق و حرّم كل ما لهم ... شاول استبقى ملك عماليق و للأسف هو و الشعب طمعوا في الغنيمة اللي في المدينة فاستبقوا الغنم و البقر الجيدة ... و لما صموئيل راح سأل شاول، ردّ بكل بجاحة: (دي عشان نقدّم منها ذبيحة للرب إلهك) كأنه كده هايسكت ربنا يعني ... لكن صموئيل كان رده واضح: ربنا رفضك يا شاول

فقال صموئيل: «هل مسرة الرب بالمحرقات والذبائح كما باستماع صوت الرب؟ هوذا الاستماع أفضل من الذبيحة، والإصغاء أفضل من شحم الكباش. لأن التمرّد خطية العرافة، و العناد كالوثن و التراقيم. لأنك رفضت كلام الرب رفضك من الملك» ... و لم يغد صموئيل لرؤية شاول إلى يوم موته، لأن صموئيل ناه على شاول. و الرب ندم لأنه ملك شاول على إسرائيل.

صموئيل الأول 15 : 22 و 23 و 35

- شاول خطيته الرئيسية هي الكبرياء ... نسي بدايته لما كان غلبان و متواضع و ربنا اختاره، و فكّر إنه ملك زي باقي الملوك يعمل اللي هو عايزه
- ده وصل لعلاقته بربنا كمان ... ربنا أعطاه أمر واضح و هو خالفه بشكل واضح، بل رفض الاعتراف بخطيته لما صموئيل واجهه
- ده الفارق الرئيسي بين شاول و داود: داود يمكن في حياته أخطأ أخطاء كبيرة جداً لكن على طول بيتوب لأنه متواضع و بيحب ربنا بجد ... أما شاول للأسف محبة ربنا و مخافته و احترامه لأبيه الروحي راحوا منه
- و بالتالي ربنا رفضه و أبوه الروحي ناه عليه حزناً بقية عمره
- نقدر نقرا تأمل على الآية دي [هنا](#)

ولما رآه جميع الذين عرفوه منذ أمس وما قبله أنه يتنبأ مع الأنبياء، قال الشعب، الواحد لصاحبه: «ماذا صار لابن قيس؟ أشاول أيضا بين الأنبياء؟»

صموئيل الأول 10 : 11

نعمة كبيرة من ربنا على شاول كانت السبب: نعمة الروح القدس اللي كل على شاول بعد ما مسح صموئيل
و بعد ما شاول صلّى و اتناول (قدّم ذبيحة) ... نعمة ربنا حلت عليه و بقى شاول المتواضع
بیسبّح مع المرتّمين

نتعلّم إيه؟

لا تنسى ... علاج الكبرياء هو إن الواحد على طول يفتكر ماضيه و عمل ربنا معه
يا رب إحمي قلبي من الكبرياء اللي بيضيّع أي فضيلة و أي حاجة حلوة في حياتي ...
إديني التواضع و الاتكال عليك

4: صعود داود و مطاردة شاول له ... حتى موته

إصحاح 16 ل 31



الصورة من موقع BibleProject

- إصحاح 16 و 17: اختيار الله لداود و انتصاره على جليات

نقدر نستبّح و نفرح بالإصحاحين دول في المزمور 151

- إصحاح 16 فيه ربنا يوصي صموئيل يختار ملك من بني يسى من بيت لحم (و بنلاقي ربنا على عكس اختيار شاول: رجل ضخم و يملا العين، بيختار حسب القلب : داود الفتى راعي الخراف اللي حتى والده لم يهتم إنه يقدمه لصموئيل)
- نفاجاً إن داود بعد ما اترسم ملك من الناحية الدينية (صموئيل النبي) استمر يرعى غنم أبيه ... و روح ربنا بقى مع داود و فارق شاول اللي بقى بيحيله روح رديء بتصرفات غريبة، تيجي نصيحة أحد رجال شاول إنه يجيب له داود يقول له مزامير تهديّه لقا يحيله الروح الرديء ... و داود بمنتهى التواضع يقبل و يصبح أحد رجال شاول المحبوبين
- في إصحاح 17 داود يغلب جليات بإيمانه : الحادثة الأشهر في حياة داود ... اللي بها بقى رمز للسيد المسيح المنتصر على الشيطان اللي كان غالب البشرية و قاعد يعيّرهما بخطاياها.
- اصطف الفلسطينيون لمحاربة إسرائيل بقيادة جليات العملاق اللي تحدى بني إسرائيل يجيبوا مبارز له ... و استمر يعيّرهم 40 يوم كاملين من غير إجابة، و الشعب و الملك كلهم خافين منه.
- و جاء داود الراعي الصغير يطمئن على إخوته الكبار اللي كانوا في الجيش ... فسمع كلام جليات و تحدّاه بإيمانه و هو مش معاه غير عصاية و نبلة ... و بقوة ربنا قدر يغلبه و يزيل العار عن بني إسرائيل ... و من بعده غلب إسرائيل الفلسطينيين.

نقدر نشوف كارتون داود و هو بيغلب جليات

● إصحاح 18 ل 20: صعود داود و غيره شاول منه

- في إصحاح 18 بتبدأ غيره شاول من داود : كل الشعب بما فيهم يوناثان أحب داود جداً لأنه كان عنده تواضع و نعمة و بركة من ربنا فأصبح من قادة الجيش و كان بينجح في كل حروبه ... لحد ما شاول غار منه لدرجة إنه حاول يقتله بطلب مهر صعب جداً (حتى يتزوج داود من ابنته ميكال) يستلزم إن داود يحارب الفلسطينيين (عشان هم يقتلوه) ... لكن ربنا نجح داود
- في إصحاح 19 شاول يحاول قتل داود:
 - شاول قرّر من الغيرة يقتل داود و قال كده لقادة الجيش و يوناثان اللي لقا عرف قال لداود يستخبي، و أقنع شاول أن داود ماغلطش ... فشاول رجّع داود.
 - لكن بعد كده بعتّه الروح الرديء فحاول يقتل داود بالرمح فهرب داود لبيته

■ شاول بعث ناس يقتلوه في بيته لكن داود هرب و راح على صموئيل

و ساعتها داود قال **مزمو 59 (أَنقِذْنِي مِنْ أَعْدَائِي يَا إِلَهِي. مِنْ مَقَاوِمِي أَحْمِنِي)**

■ فعرف شاول و بعث رسل يقتلوه، لكن الرسل لمّا راحوا لقوا داود و صموئيل ببسبحوا ربنا ... و جو التسبيح الروحي ده أثر فيهم و أثر حتى في شاول لمّا راح بنفسه وراهم

ده يبينّ لنا أثر التسبحة الروحي الجميل زي ما نقرأ **هنا**

○ في **إصحاح 20 عهد يوناثان مع داود:**

■ على عكس شاول، يوناثان كان شخص رائع و قلبه نضيف ... ماكانش عنده مشكلة لو ربنا اختار داود ملك بداله بل بالعكس كان فيه بينه وبين داود محبة و صداقة رائعة جداً

■ لمّا أيقن يوناثان إن شاول عايز يقتل داود، قال لداود يهرب بعد ما استحفه يعمل معروف و خير مع نسله

يوناثان من أفضل شخصيات الكتاب المقدس كصديق روحي ... كان بيجمعه

بداود صداقة روحية فيها:

هدف روحي - وسائل روحية - حوار روحي

صداقة مافيهاش منافسة ولا غيرة بل تشجيع في سكة ربنا

● **إصحاح 21 ل 26: شاول يلاحق داود**

○ في **إصحاح 21 و 22 بنشوف موقفين وحشين لداود و نتيجتهم:**

■ في نوب مدينة الكهنة كذب على أخيمالك و قال له إن شاول هو اللي أرسله في مهمة سرية ... و كمان كان بيدور على سيف وأخذ سيف جليات يحتمي فيه (رغم إن ربنا نصره على جليات من غير سلاح)

■ بعدها هرب على الفلسطينيين!! مدينة جت ... طبعاً ملكها خاف منه لأنه داود بطل إسرائيل ... فاضطر داود يتظاهر بالجنون عشان الملك يسببه

و ساعتها داود فاق و عاد لربنا و لمزاميره ... وقال مزمو 34 رائع بنقوله في صلاة

الساعة الثالثة (**مزمو 34: أبارك الرب في كل وقت**)

و كمان **مزمو 56 (ارحمي يا الله لأن الإنسان يتهممني)**

■ بعد كده داود هرب ليهوذا (سبطه) و بقى رئيس على مئات من الرجال برضه متضايقين من حكم شاول

- شاول وصلته وشاية من دواغ الأدومي إن أخيمالك الكاهن ساعد داود ضده ... و استدعاه شاول و أخيمالك قال له الحقيقة (إنه كان فاكراً إن داود في مهمة تبع الملك، زي ما داود كذب عليه للأسف). شاول اتجنن و قرّر يقتله هو و كل الكهنة، و هرب واحد بس (أبياثار) و راح على داود اللي اعترف بخطأه

و ساعتها داود قال **مزمو 12 (خُصني يا رب فإن البار قد فنى)**
و **مزمو 52 (لماذا تفتخر بالشر أيها الجبار؟)**

○ في **إصحاح 23** بنشوف داود ينقذ قعيلة لكن يُضطر يهرب:

- يحصل هجوم على مدينة قعيلة ... فداود (الملك الممسوح من صموئيل) يشعر بالمسؤولية و يسأل ربنا ... و إجابة ربنا إنه يحاربهم و ربنا يعطيه النصر
- بعد كده موقف قحيط ... شاول يسمع إن داود في قعيلة، فيروح يقبض عليه ... داود يسمع و يسأل ربنا، و ربنا بيحذّره إن أهل المدينة هايسلموه لشاول!!! فيروح دود يستخبي في غابات زيف

و ساعتها داود قال **مزمو 31 (عليك يارب توكلت. لا تدعني أخزى)**

- يبجي يوناثان يلاقي داود و يعزّيه و يقطع معه عهد
- أهل زيف يروحوا لشاول يقولوا له: داود عندنا، إنزل عشان تقتله ... و فعلاً ده كان هايحصل لكن ربنا بعث حرب من الفلسطينيين على إسرائيل فيضطر شاول يرجع تاني

○ **إصحاح 24** درس العهد الجديد في مسامحة الأعداء:

- لما شاول خلص الحرب مع الفلسطينيين، للأسف رجع ناس هيّجوه تاني على داود و قالوا له إنهم عرفوا مكانه ... و شاول إدّاهم ودنه و خرج ورا داود
- و جاءت اللحظة ... شاول دخل ينام في الكهف اللي مستخبي فيه داود و رجاله ... و رجال داود ما صدّقوا ... و حاولوا يهيجوه هم كمان و قالوا له: دي اللحظة اللي ربنا بيعوّضك فيها و يعطيك عدوّك (و طبعاً ده مش صح)
- لكن داود بيؤرّينا ليه هو حسب قلب الله ... رغم إن الوصية في العهد القديم كانت بتقول عين بعين و سن بسن ... إلا إن داود تخطأها و دخل في نعمة العهد الجديد ... عفى عن شاول
- و خرج من الكهف و ابتعد عنه و بعد كده ناداه و اتكلم معاه ... طبعاً شاول بكى و تأثر من هذه النعمة

و ساعتها داود قال **مزمو 57 (ارحمني يا الله ارحمني، لأنه بك احتمت نفسي)**
و **مزمو 142 (بصوتي إلى الرب أصرخ. بصوتي إلى الرب أتضرع)**

نقدر نشوف ملخص الإصحاح ده في الكرتون ده

- إصحاح 25 درس آخر رائع في الحكمة من أبيجايل الحكيمة اللي منعت داود من قتل زوجها و أنقذت حياتها بحكمتها بعد جواب نابال القاسي على طلب داود المُتَبَرَّر إنه يعطيه خير من عنده في الحصاد نظير حراسته لرعاته ... و مات نابال بعدها على طول و أصبحت أبيجايل زوجة لداود

و ساعتها داود قال **مزمو 14 (قال الجاهل في قلبه ليس إله)**

داود تزوج أبيجايل و أخينوعم و هو أصلاً متجوز ميكال ... تعدد زوجات خاطئ كان بداية أسرة ضعيفة و متفككة و عداوة بين الأبناء بعد كده

- إصحاح 26 شبه جداً إصحاح 24 الزيفيون تاني بيهجوا شاول على داود، وشاول تاني ينطلق وراء داود ... و تاني داود تبقى عنده فرصة ينتقم من شاول، و تاني يرحمه و يسامحه

● إصحاح 27 ل 31: داود عند الفلسطينيين

- في إصحاح 27 قرار خاطئ من داود إنه يهرب للفلسطينيين : قال يقعد عندهم عشان شاول ييأس من مطاردته ... ده حصل فعلاً لكن لمدة أكبر من سنة اضطر داود يقتل شعوب حوالين الفلسطينيين و يبني قرى كاملة و يكذب على ملك فلسطين ويقول له إنه غزا يهوذا

و دي الخطية اللي ربنا قال له بسببها بعد كده أنه مش ها يبني الهيكل لأنه رجل دماء

كانت فترة ضعف في حياة داود لكن كان بيحاول يقاوم و قال **مزمو 26 (احكم لي يا رب فأني بدعتي سلكتُ)**

- في إصحاح 28 شاول يستعين بالعرافة:
 - موقف صعب جداً: الفلسطينيين جمعوا جيوشهم لمدايرة إسرائيل ... و طبعاً صموئيل مات و الكهنة قتلهم شاول زي ما شفنا، فشاول مش عارف يسمع رأي ربنا
 - للأسف شاول عمل أسوأ حاجة إنه استعان بعرافة عشان تستحضر له روح صموئيل ... و الإجابة كانت (من شيطان ظهر له على شكل صموئيل) محبطة جداً ليه: هتخسروا الحرب و هاتموت انت وأولادك.

يا ربك يا شاول كنت تُبَتِّ قدام ربنا قبل ما يبجي وقت العقاب، ياما كان عندك قُرْص وأنت ضيّعتها بتكبرك! بل كمان ذهبت بتقديمك للشيطان اللي وقّعك في اليأس و أنهى عليك

- في إصحاح 29 ربنا ينقذ داود من دخول الحرب : على الناحية الثانية، ملك فلسطين وثق في داود و كان عايز يدّخله معاه في حربه ضد إسرائيل (طبعاً دي كارثة على داود اللي إما يحارب شعبه و أهله و إما يواجه الموت على يد الفلسطينيين) ... لكن ربنا أنقذه برفض مشيرين الملك القاطع لدخول داود الحرب خوفاً من انضمامه لإسرائيل
- في إصحاح 30 داود يهزم اليأس و العمالة:
 - بعد ما داود و رجاله رجعوا من الحرب للمدينة اللي كانوا عايشين فيها (صقلغ) لقوا المدينة ما فيهاش حد (هم كانوا سايبين نسائهم و بنيهم) و محروقة بالنار
 - رجال داود كانوا هيرجموه
 - داود طلب مشورة ربنا و ربنا قال له أسرع ورا الغزاة و ها تلحقهم و تنقذ كل شيء
 - و ده اللي حصل فعلاً، لم يهلك أحد بل أخذوا غنيمة من العمالة

نقدر نسمع تأملات رائعة عن الإصحاح ده في وعظة إحقهم

- إصحاح 31 موت شاول وأولاده : ينتهي سفر صموئيل الأول بنهاية حزينة ... الفلسطينيون كسبوا الحرب و أخذوا مدن من إسرائيل وقتلوا شاول و بنيه

فأجابت النساء اللاعبات و قلن: «ضرب شاول ألوفه و داود ربواته». فاحتفى شاول جداً و ساء هذا الكلام في عينيه، و قال: «أعطين داود ربوات و أما أنا فأعطينني الألوف! وب عد فقط تبقى له المملكة» ... و كان شاول يخاف داود لأن الرب كان معه، و قد فارق شاول. و كان داود مُفْلِحاً في جميع طرقه و الرب معه. فلما رأى شاول أنه مُفْلِح جداً فزع منه.

صموئيل الأول 18 : 7 و 8 و 12 و 14 و 15

- 📌 كره شاول من داود بدأ بأنانية و كبرياء شاول: مجرد إن داود أخذ كرامة أكبر منه لأنه عمل دور أهم منه بكثير في الحرب، ده أغضب شاول جداً
- 📌 موقف شاول كان عكس موقف الشعب كله: الشعب أحب داود جداً و شافوا فيه قائد مليون نعمه و تواضع ... بينما شاول شافه منافس يجب مراقبته و التفوق عليه أو التخلص منه

فتضايق داود جداً لأن الشعب قالوا برّجهم، لأن أنفس جميع الشعب كانت مُرّة كل واحد على بنيه وبناته. و أما داود فتشدد بالرب إلهه ... فسأل داود من الرب قائلاً: «إذا لحقت هؤلاء الغزاة فهل أدركهم؟» فقال له: «الحقهم فإنك تدرك وتنقذ» ... و لم يفقد لهم شيء لا صغير و لا كبير، و لا بنون و لا بنات و لا غنيمة، و لا شيء من جميع ما أخذوا لهم، بل ردّ داود الجميع.

صموئيل الأول 30 : 6 و 8 و 19

- واحد من أصعب المواقف في حياة داود و كان ممكن ينتهي نهاية مأساوية (و كل ده بسبب غلطة كبيرة عملها لما راح للفلسطينيين ثاني)
- لكن معدن رجال الله بيبان في المواقف دي: (أما داود) عمل حاجة غير متوقعة و اتجه لربنا في الموقف الصعب ده
- و ربنا أب حنين على أولاده، أعطى داود الانتصار و لم يفقد منه شيء

نتعلّم إيه؟

ثقة داود في ربنا خلت داود طويل الأناة جداً على شاول ... و طول أناة داود و قلبه اللي زي قلب ربنا غلب كراهية شاول له، و ازداد داود عظمتاً جداً بينما شاول توقف عن مطاردته حتى وفاته

يا رب إديني ثقة داود فيك و اتكاله عليك ... و إن كنت ضلّيت زي شاول، خليني أتوب و أرجع بسرعة ولا أتمادى في الشر

المراجع

- Bible Project
- فتشوا الكتب (أبونا داود لمعي)
- تبسيط سفر صموئيل الأول (أبونا لوقا ماهر)

